

一之谷、其爲域內可知也、又古記載、柏原陵從東邊二町許、入在稻荷山南野、今之御草山、古之爲柏原、是爲其證、大島武好山城名勝志云、大谷口山有向原者、是恐柏原舊跡也、又並河永山城志云、柏在大龜谷北、土人呼乞丐原、類聚國史曰、延曆十四年八月、遊獵于柏原野、又僧白慧山州名跡志云、柏原地名曰谷口同所、但此號今不稱、中比轉云癩病原、其故地在御陵、土人不知之、登穢者間爲癩病、依而號也、谷口之爲柏原、此丘之爲真陵、是爲其證、其佗參證數柄、今不煩條陳、別欲具一書、嗚痛哉、聖王之山陵、名實兩廢、至雖父老田畯、朝夕來往者、不認辨之所以然者何、請姑援他辨之、隆治以還、帝陵頽圮、相踵如上演、而大和地爲尤甚、獻廟時、寧樂府進奏云、大和國帝陵無之、元祿頃、京兆尹松平源公謂曰、前年寧樂以何術隱伏其難、隱伏者、有司猶如此、下情奚足怪、往昔喪亂不失魏々之姿、却失於昇代、檢陵之日者亡他、檢吏之所臨視、驅役下民、推究口狀、來往繹尋、不一而定、土人不堪勞擾、相爭匿真、欲以免其苛督也、草山志有云、深草山者、東西十町餘、南北十八町餘、舊爲深草住士秦氏之私德、慶長頃、其家獻馬糧於烈祖、歷朝定以爲貢草地、京兆府世下制章、禁侵犯、山中原谷凡可五十、皆古跡也、此記蔽匿數多之古跡、或亦指擬陵地曰柏原、僉匪徒之欺騙同和州某便遣人于秦氏後長谷川某、乞貸御草山圖、其家秘惜不出、強請閱之、曖昧罔標、某夾然自失、于豈偶聞山本院秀建者語、遂獲其驗、左傳者道曰、山本院實淨藏之胄、淨藏嘗以業力安法觀寺塔、天子賞以深草山之地、嗣法相傳、住于龕前堂原、中屬坊宇文書悉付兵火、子孫遂衰、世臣秦某幸之、擅奪賜地、獻諸公所、關原役、以功已爲其頭目、邇古谷口全村、本垣陵之守戶、詣今彼家有凶禮、閩鄉來會葬事、秦某亦佐執拂、因示以正嘉二年諸陵雜事記一通、中有云、柏原下司大進阿闍梨、其子永秀、世又稱元祿、檢陵時、秦某怖奸詐之露、與里人長三相謀、指點他山爲帝陵、併沒柏原之稱呼、爾後其家崇厲並臻、子孫不祀、餘殃之所延、他人有室者、亦皆死于狂癲癩疾、乞丐原之名果不浮、今也龕前堂原及山伏冢、變爲野木鉅竹、只古松數株、財不失舊裝、會泉涌寺土木之功興、山伏冢古松亦所充用、嘗聞伐此樹時、役夫有蒙傷害者、假令不真陵、一旦神明之